



Mette Arqe-Hammeken
(Inatsisartuni Ilaasortaq, Naleraq)

§ 37 naapertorlugu apeqqutip nr. 078/2024-p akineqarnera

Asasara Mette Arqe-Hammeksen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut. Apeqqutit issuarneqartarput tamatumalu kingorna akineqarlutik.

10-05-2024
Suliap normua 2024 - 9053
All. nr. 24132588

Postboks 1160
Oqarasuaat:
34 50 00
Fax: 34 55 05
3900 Nuuk

Email: pn@naaq.gl
www.naalakkersuisut.gl

1) Ittoqqortoormiini qanga kingullermik kigutit nakorsaqaarpa?

Akissut:

Ittoqqortoormiini kingullermik 1. augustimiit 1. september 2023 tikillugu kingutit nakorsaqaartoq Naalakkersuisut ilisimatitsissutigissavaat.

a. qanorlu sivisutigisumik Ittoqqortoormiini suliva - ullut qassit?

Akissut:

Apeqqummut 1-imut akissut siulianiittoq takuuk.

b. Qaqugu Ittoqqortoormiuni kigutit nakorsaqaqqinniarpaa ullullu qassit sulilluni Ittoqqortoormiuniinniarpaa?

Akissut:

Tulliani kigutit nakorsaata piffissami 19. augustimiit 23. september 2024-mut tikittoqarnissaa pilersaarutaavoq.

2) Naalakkersuisut piffissami qanittumi Ittoqqortoormiuni kigutit nakorsaanik ulluni qaninnerni tikisitsisoqarsinnaanik suliniuteqarpat?

Akissut:

Apeqqut 1-b-mut akissutit siulianiittut takukkit.

3) Naalakkersuisut Ittoqqortoormiuni kigutileriffik Tasiilamut atanera kipiteriarlugu, Nuummut atatilernissaanut suliniuteqarpat?

Akissut:

Kigutilerisoqarfiit nunatsinni agguataarneqarnerat peqqinnissaqarfiit nunap immikkoortuinut agguataarneqarsimanerat pillugu Namminersorlutik Oqartussat

nalunaarutaanni¹ aalajangersarneqarsimapput. Maannakut Nalunaarutip aaqqissuunneqarnisaanik suliamik ingerlatisoqanngilaq.

4) Naalackersuisut Ittoqqortoormiuni kigutit nakorsaat ukiumut sisamariarluni tikittalernissaanik suliniuteqarpat?

Akissut:

Ittoqqortoormiit ukiumut ataasiarluni qaammammi ataatsimi kigutit nakorsaannit tikeraarneqartarnera Naalackersuisut ilisimatitsissutigaa, tamannalu inoqarfinnut taamatut inuttalinnut nalinginnaasuvoq.

Sumiiffinni aalajangersimasumik kigutit nakorsaqrfinngitsuni Nunatsinni kingutigissaasunit kigutit nakorsaannik tikeraartoqarnissaanik pilersaarusiorneq illoqarfimmi/nunaqarfimmi pisariaqartitsineq kiisalu kigutit nakorsaannik pissarsisoqarsinnaanera tunngavigalugit nalilersuisoqartarpoq.

Inussiarnersumik inuulluaqqusillunga



Agathe Fontain

¹ [bkg 06 2011 \(nalunaarutihttps://nalunaarutit.gl/groenlandsk-lovgivning/2011/bkg-06-2011?sc_lang=kl-GLt.gl\)](https://nalunaarutit.gl/groenlandsk-lovgivning/2011/bkg-06-2011?sc_lang=kl-GLt.gl)
https://nalunaarutit.gl/groenlandsk-lovgivning/2011/bkg-06-2011?sc_lang=kl-GL